

ЧИН ОБЕДНИЦЫ

По начале Божественных служб, и по первом возгласе, псаломщик глаголет псалом: Благослови душе моя Господа.

Егда же во уставе укажет на литургии антифоны празднику, и тогда часы глаголются вси вкупе.

[Псалом 102.](#)

Аще ли Литургия, глаголем по 2-м возгласе,

[Псалом 145.](#)

Слава, и ныне; клирицы поют: Единорóдныи Сы́не, и Сло́во Бо́жие, безсмер́тне сый, избóливый спасéния на́шего ра́ди воплотит́ся, от святы́я Богорóдицы и при́сно Дéвы Марíи непрелóжно вочеловéчивыйся; распят́ся, Христé Бо́же, и смérтию на́ смерть наступíвший, Еди́не сый Святы́я Трóицы, прославля́емый Отцú и Свято́му Ду́ху, спаси́ нас.

По скончании пения глаголет канархíст блажénны, по уставу.

Во цáрствии Си егда́ при́деши, помяни́ нас, Го́споди. Блажéни ни́щии ду́хом, я́ко тех есть цáрство небéсное. Блажéни пла́чущии, я́ко тии утéшатся. Блажéни крóтцыи, я́ко тии насле́дят зéмлю. Блажéни алчущии и жа́ждущии пра́вды, я́ко тии насы́тятся. Блажéни мило́стивии, я́ко тии поми́ловани бу́дут. Блажéни чи́стии се́рдцем, я́ко тии Бо́га у́зрят. Блажéни миротво́рцы, я́ко тии сы́нове Бо́жии нареку́тся. Блажéни изгна́ни пра́вды ра́ди, я́ко тех есть цáрство небéсное. Блажéни естé егда́ поно́сят вам, и изжену́т вы, и реку́т всяк зол глаго́л на вы лжу́ще Мене ра́ди. Ра́дуйтесь и весели́тесь, я́ко мзда ва́ша мно́га на небесех. **Слава, и ныне.**

Аще ли кроме Божественных литургии, посем чтем: Апостол, и Евангелие. Таже, глаголем:

Помяни́ нас Го́споди, егда́ при́деши во цáрствии Си **(поклон).**

Помяни́ нас Влады́ко, егда́ при́деши во цáрствии Си **(поклон).**

Помяни́ нас Святы́и, егда́ при́деши во цáрствии Си **(поклон).**

Лик небесный поёт Тя и глаголет: свят, свят, свят Господь Саваоф, исполни небо и землю славы Твоея.

Приступите к Немү и просветитесь, и лица ваша не постыдятся. Лик небесный поёт Тя и глаголет: свят, свят, свят Господь Саваоф, исполни небо и землю славы Твоея.

Слава. Собор святых ангел и архангел, со всеми небесными силами поёт Тя и глаголет: свят, свят, свят Господь Саваоф, исполни небо и землю славы Твоея.

И ныне. Исповедание православныя веры, Перваго собора.

Верую во единого Бога Отца, Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век. Света от света, Бога истинна от Бога истинна, рождена, а не сотворена, единосущна Отцу, Им же вся быша. Нас ради человек, и нашего ради спасения, сшедшаго с небес, и воплотившагося от Духа Свята, и Марии Девы воцеловечьшася. Распятого за ны при понтийстем Пилате, страдавша и погребена, и воскресшаго в третий день по писаниих. И возшедшаго на небеса, и сидяща одесную Отца. И паки грядущаго со славою, судити живым и мертвым, Его же царствию несть конца.

Второго собора. И в Духа Святаго, Господа истинного и животворящего, Иже от Отца исходящего, Иже со Отцем и Сыном споклоняема и славима, глаголавшаго пророки. И во едину святую соборную и апостольскую Церковь. Исповедую едино Крещение, во оставление грехов. Чаю воскресения мертвым. И жизни будущего века, аминь.

В Литургии сие не глаголем; Ослаби, остави, отпусти Боже, согрешения наша, вольная и невольная, яже в слове и в деле, и яже в ведении и не в ведении, и яже во уме и в помышлении, яже во дни и в ночи, вся ми прости, яко Благ и Человеколюбец. **Таже. Отче наш. И по возгласе или молитве Иисусовой глаголются кондаки, прежде храму, и потом дню; таже, святому. Слава.** Со святыми покой, Христэ, душа раб Своих, идеже несть болезни, ни печали, ни воздыхания, но жизнь вечная. **И ныне, богородичен:** Заступнице християном непостыдная, Ходатаице ко Творцу непреложная, не презри грешных моления гласы, но предвари яко Блага на помощь нашу, верно вопиющих Ти: ускори на молитву, и потщися на умоление, заступаючи присно Богородице чтущих Тя. **Господи помилуй (12). Таже, Всесвятая Троице.**

Аще ли пост великий, глаголется: Господи помилуй (40). Слава, и ныне. Честнейшую херувим (поклон великий). Именем Господним благослови, отче. За молитв святых отец наших. Аминь. И сотворяем, три великия поклоны, с молитвою: Господи и Владыко животу моему. И прочих метаний (12). Посем, Трисвятое. И по Отче наш: Господи помилуй (12). Таже, сию молитву:

Всесвятая Троице единосущная, неодолимая держава, и неразделимое

Чин обедницы

Автор: Павел
22.03.2012 12:58

цáрство, яже всем благím винóвна, благоволи́ в настоя́щий сей час о мне грéшнем, и вся ми омы́и сквѣ́рны, и просвети́ ми смысл, я́ко да всегда́ воспева́ю Тя, и славослóвлю и глаголю: еди́н Свят, еди́н Господь Иису́с Христóс, в сла́ву Бо́гу Отцу́, ами́нь.

Бу́ди и́мя Госпо́дне благословéно от ны́не и до́ века (трижды, с поклоны).

Слава, и ныне. Таже,

Псалом 33.

И поклон до земли вси равно. Слава, и ныне. Господи помилуй (дважды). Господи благослови. И три поклона. Таже, отпуст почину. По отпусте же клирицы поют: Аминь. Многолетны соблюди Господи, и помилуй державу Российскую, спаси Господи, и помилуй господина нашего Преосвященнейшего Митрополита (имя рек) и отец наших духовных, и вся христиане Господи, спаси.

Господи помилуй (трижды).

И обычные исходные поклоны.